



ს ა ქ ა რ თ ვ ე ლ ო
სამტრედიის მუნიციპალიტეტის საკრებულო



ოქმი:ლ63. 6325101001

თარიღი:11/04/2025

**სამტრედიის მუნიციპალიტეტის V მოწვევის საკრებულოს
საფინანსო - საბიუჯეტო საკითხთა
სხდომის
ოქმი N4**

ქ. სამტრედია 8 აპრილი, 2025 წელი.

მიმდინარე წლის 8 აპრილს სამტრედიის მუნიციპალიტეტის V მოწვევის საკრებულოს საფინანსო-საბიუჯეტო საკითხთა კომისიის თავმჯდომარის, მერაბ უღრელიძის თავმჯდომარეობით ჩატარდა საფინანსო-საბიუჯეტო საკითხთა სხდომა.

სხდომას ესწრებოდნენ: მერაბ უღრელიძე, გოჩა არველაძე, ბექა თევზაძე, ჯონი ახობაძე, ტარიელ ცომაია, დავით ჯანელიძე, ირაკლი მელაშვილი, აკაკი მინაშვილი, ვაჟა სტურუა.

**ასევე სხდომას ესწრებოდა: **

1. მუნიციპალიტეტის მერიის (საჯარო დაწესებულების) პირველადი სტრუქტურული ერთეულის საფინანსო-საბიუჯეტო სამსახურის უფროსი დავით ბაღდავაძე.

2. მუნიციპალიტეტის მერიის საფინანსო-საბიუჯეტო სამსახურის საბიუჯეტო დაგეგმვისა და საფინანსო ზედამხედველობის განყოფილების უფროსი - მადეა ლეჟავა.

3. ა. (ა). ი. პ. სამტრედიის მუნიციპალიტეტის „სკოლამდელი აღზრდის დაწესებულებათა (ბალები და ბაგა-ბალები) გაერთიანების“ დირექტორი-ხათუნა გაგუა.

4. ა. (ა). ი. პ. სამტრედიის მუნიციპალიტეტის ეროსი მანჯგალაძის სახელობის კულტურის ცენტრი“-ს ბუღალტერი ენძელა პატარიძე.

სხდომის თავმჯდომარე მიესალმა დამსწრე საზოგადოებას და წარადგინა დღის წესრიგით გათვალისწინებული საკითხები.

დღის წესრიგი :

1. „არასამეწარმეო (არაკომერციული) იურიდიული პირის, სამტრედიის მუნიციპალიტეტის ეროსი მანჯგალაძის სახელობის კულტურის ცენტრი“-ს 2025

წლის ხარჯის დამტკიცების შესახებ“, სამტრედიის მუნიციპალიტეტის საკრებულოს 2024 წლის 24 დეკემბრის Nგ-632435918 განკარგულებაში ცვლილების შეტანის თაობაზე.

/მომხსენებელი: მ. უღრელიძე/

2. „არასამეწარმეო (არაკომერციული) იურიდიული პირის, სამტრედიის მუნიციპალიტეტის „სკოლამდელი აღზრდის (ბაღები და ბაგა-ბაღები) გაერთიანების“ 2025 წლის ხარჯის დამტკიცების შესახებ“, სამტრედიის მუნიციპალიტეტის საკრებულოს 2024 წლის 24 დეკემბრის Nგ-632435910 განკარგულებაში ცვლილების შეტანის თაობაზე.

/მომხსენებელი: მ. უღრელიძე/

3. „სამტრედიის მუნიციპალიტეტის 2025 წლის ბიუჯეტის დამტკიცების შესახებ“ სამტრედიის მუნიციპალიტეტის საკრებულოს 2024 წლის 24 დეკემბრის N23 დადგენილებაში ცვლილების შეტანის თაობაზე.

/მომხსენებელი: მ. უღრელიძე/

1. სხვადასხვა

კომისიის თავმჯდომარის წინადადებით, კენჭისყრის შედეგად საფინანსო-საბიუჯეტო საკითხთა კომისიის წევრთა (10) ხმით კენჭი უყარეს დღის წესრიგს.

კენჭისყრის შედეგად, საფინანსო-საბიუჯეტო საკითხთა კომისიის წევრთა (10) ხმით, დღის წესრიგი იქნა დამტკიცებული წარმოდგენილი სახით.

დღის წესრიგის I საკითხთან დაკავშირებით მომხსენებელმა, მერაბ უღრელიძემ, კომისიის წევრებს გააცნო საკითხი „არასამეწარმეო (არაკომერციული) იურიდიული პირის, „სამტრედიის მუნიციპალიტეტის ეროსი მანჯგალაძის სახელობის კულტურის ცენტრი“-ს 2025 წლის ხარჯის დამტკიცების შესახებ“, სამტრედიის მუნიციპალიტეტის საკრებულოს 2024 წლის 24 დეკემბრის Nგ-632435918 განკარგულებაში ცვლილების შეტანის თაობაზე.

მომხსენებელმა აღნიშნა, რომ საქართველოს ორგანული კანონის „საქართველოს საბიუჯეტო კოდექსის“ 69-ე მუხლის, მე-80 მუხლის, საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „ა“ ქვეპუნქტი და 89-ე მუხლის მიხედვით ა.(ა)ი.პ. სამტრედიის მუნიციპალიტეტის ეროსი მანჯგალაძის სახელობის კულტურის ცენტრი ითხოვს ცვლილების შეტანას საკრებულოს 2024 წლის 24 დეკემბრის N გ-63.632435918 განკარგულებაში, კერძოდ საკუთარი შემოსავლების გაზრდას 45,00 ათასი ლარით, შესაბამისად ხარჯებში საქონელი და მომსახურება (მივლინება ქვეყნის გარეთ) 45,00 ათასი ლარი. ზემოთ აღნიშნული გამოწვეულია ინდოეთში გასტროლით „ფესტივალი ინდოეთში“ სპექტაკლი „12 განრისხებული მამაკაცი“. აღნიშნულ თანხას აფინანსებს საქართველოს კულტურისა და სპორტის სამინისტრო.

აზრი გამოთქვა: მერაბ უღრელიძემ.

მერაბ უღრელიძე - მოგახსენებთ, რომ 2025 წლის 11 მარტს, საკრებულოს სნდომაზე განხილული და დამტკიცებული იქნა განკარგულება „არასამეწარმეო (არაკომერციული) იურიდიული პირის, „სამტრედიის მუნიციპალიტეტის ეროსი მანჯგალაძის სახელობის კულტურის ცენტრი“-ს 2025 წლის ხარჯის დამტკიცების შესახებ“, სამტრედიის მუნიციპალიტეტის საკრებულოს 2024 წლის 24 დეკემბრის Nგ-632435918 განკარგულებაში ცვლილების შეტანის თაობაზე. კერძოდ, საკუთარი შემოსავლების გეგმა გაიზარდა 45,00 ათასი ლარით. შესაბამისად, ხარჯების მუხლში, საქონელი და მომსახურება (მივლინება ქვეყნის გარეთ) თანხა გაიზარდა 45,00 ათასი ლარით.

განკარგულების პროექტის ელექტრონულად ატვირთვის დროს დაშვებული იქნა ტექნიკური ხარვეზი. კერძოდ, დახარტი N3-ში ა.(ა)ი.პ. „სამტრედიის მუნიციპალიტეტის ეროსი მანჯგალაძის სახელობის კულტურის ცენტრის“ 2025

წლის ხარჯებში არ აისახა აღნიშნული ცვლილება.

საჭიროა ზემოთ აღნიშნული ტექნიკური ხარვეზი გასწორდეს საკრებულოს სხდომაზე.

კომისიის წევრებმა იმსჯელეს ზემოაღნიშნულზე.

პროექტის ირგვლივ შენიშვნები არ ყოფილა.

დაადგინეს: კენჭისყრის შედეგად საფინანსო-საბიუჯეტო საკითხთა კომისიის წევრთა (10) ხმით მიიღეს გადაწყვეტილება, საკითხი შევიდეს ბიუროს დღის წესრიგში განსახილველად.

დღის წესრიგის II საკითხთან დაკავშირებით მომხსენებელმა, მერაბ უღრელიძემ, კომისიის წევრებს გააცნო საკითხი „არასამეწარმეო (არაკომერციული) იურიდიული პირის, „სამტრედიის მუნიციპალიტეტის „სკოლამდელი აღზრდის (ბალები და ბაგა-ბალები) გაერთიანების“ 2025 წლის ხარჯის დამტკიცების შესახებ“, სამტრედიის მუნიციპალიტეტის საკრებულოს 2024 წლის 24 დეკემბრის Nგ-632435910 განკარგულებაში ცვლილების შეტანის თაობაზე.

მომხსენებელმა აღნიშნა, რომ ა.ა)ი.პ. სამტრედიის მუნიციპალიტეტის სკოლამდელი აღზრდის დაწესებულებათა (ბალები და ბაგა-ბალები) გაერთიანება ითხოვს ცვლილების შეტანას საკრებულოს 2024 წლის 24 დეკემბრის N გ-63.632435910 განკარგულებით დამტკიცებულ 2025 წლის ბიუჯეტში, კერძოდ დანართი N 5-ით დამტკიცებული შრომითი ხელშეკრულებით დასაქმებულ პირთა რაოდენობის შემცირებას ერთი ერთეულით (სპეციალისტი, თანამდებობრივი სარგო 950 ლარის ოდენობით) და შესაბამისად დანართი N 4-ით დამტკიცებულ საშტატო განრიგის გაზრდას ერთი ერთეულით, რომელიც ჩამოყალიბდეს შემდეგი რედაქციით - ხარისხის უზრუნველყოფის მენეჯერი, თანამდებობრივი სარგო 950 ლარით. ცვლილება ეფუძნება განათლების სამინისტროს მიერ საბავშვო ბალების ავტორიზაციასთან დაკავშირებით განსახორციელებელ ღონისძიებებს.

აღნიშნულიდან გამომდინარე ითხოვს საქონელი და მომსახურების გეგმის შემცირებას 8.5 ათ.ლარით, შესაბამისად შრომის ანაზღაურების გეგმის გაზრდას 8.5 ათ.ლარით.

კომისიის წევრებმა იმსჯელეს ზემოაღნიშნულზე.

პროექტის ირგვლივ შენიშვნები არ ყოფილა.

დაადგინეს: კენჭისყრის შედეგად საფინანსო-საბიუჯეტო საკითხთა კომისიის წევრთა (10) ხმით მიიღეს გადაწყვეტილება, საკითხი შევიდეს ბიუროს დღის წესრიგში განსახილველად.

დღის წესრიგის III საკითხთან დაკავშირებით მომხსენებელმა, მერაბ უღრელიძემ, კომისიის წევრებს გააცნო საკითხი „სამტრედიის მუნიციპალიტეტის 2025 წლის ბიუჯეტის დამტკიცების შესახებ“ სამტრედიის მუნიციპალიტეტის საკრებულოს 2024 წლის 24 დეკემბრის N23 დადგენილებაში ცვლილების შეტანის თაობაზე.

მომხსენებელმა აღნიშნა, რომ „ზოგიერთი მუნიციპალიტეტისთვის უფლებამოსილებების ხელშეკრულების საფუძველზე დელევირების შესახებ“ საქართველოს მთავრობის 2025 წლის 24 იანვრის N146 განკარგულებით სამტრედიის მუნიციპალიტეტს საჯარო სკოლის მოსწავლეთა ტრანსპორტირების უზრუნველყოფის მიზნით გამოყოფილი თანხის ოდენობა გაიზარდა 27.5 ათასი ლარით და განისაზღვრა 618.0 ათასი ლარით. აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი ნაწილის „ე“- პუნქტის „ე.ე“- ქვეპუნქტის, საქართველოს საბიუჯეტო კოდექსის 69-ე მუხლის პირველი, მე-2 და მე-5 ნაწილებისა და „სამტრედიის მუნიციპალიტეტის ბიუჯეტით ვათვალისწინებული ასიგნების საბიუჯეტო კლასიფიკაციის მუხლებსა და პროგრამულ კოდებს შორის

გადანაწილების წესის დამტკიცების შესახებ“ სამტრედიის მუნიციპალიტეტის საკრებულოს 2017 წლის 14 დეკემბრის N43 დადგენილების შესაბამისად, სამტრედიის მუნიციპალიტეტის მერის Nბ62. 622507713 18/03/2025 ბრძანებით დაზუსტდა „სამტრედიის მუნიციპალიტეტის 2025 წლის ბიუჯეტის დამტკიცების შესახებ“, სამტრედიის მუნიციპალიტეტის საკრებულოს 2024 წლის 24 დეკემბრის №23 დადგენილება და გაიზარდა 04 02 კოდი ზოგადი განათლების ხელშეწყობის საქონელი და მომსახურების გეგმა 27.5 ათასი ლარით. გთხოვთ, აღნიშნული მიიღოთ ცნობად. გარდა ამისა, საქართველოს ორგანული კანონის „საქართველოს საბიუჯეტო კოდექსის“ 69-ე მუხლის, მე-80 მუხლის, საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „ა“ ქვეპუნქტი და 89- ე მუხლის მიხედვით სამტრედიის მუნიციპალიტეტის მერია წარმოგიდგინთ „სამტრედიის მუნიციპალიტეტის 2025 წლის ბიუჯეტის დამტკიცების შესახებ“ სამტრედიის მუნიციპალიტეტის საკრებულოს 2024 წლის 24 დეკემბრის N23 დადგენილებაში შესატან ცვლილებებს. კერძოდ:

გაიზარდა - შემცირდა

- (02 01 კოდი) გზების, ხიდების, ბოგირების და ინფრასტრუქტურის სხვა ღონისძიებების დაფინანსების არაფინანსური გეგმა შემცირდეს - 410.0 ათასი ლარით; (02 05 კოდი) სოფლის მეურნეობის განვითარების არაფინანსური გეგმა - 40.0 ათასი ლარით; (05 07 კოდი) კულტურის დაწესებულებათა მშენებლობა-რეაბილიტაციის არაფინანსური გეგმა - 60.0 ათასი ლარით; სულ - 510.0 ათასი ლარით და შესაბამისად გაიზარდოს 05 01 01 კოდი სპორტული ღონისძიებების დაფინანსება და სპორტული მოედნების მშენებლობა და რეკონსტრუქციის არაფინანსური გეგმა - 465.0 ათასი ლარით; (02 03 03 კოდი) სკვერების მოწყობა და კეთილმოწყობის სხვა ღონისძიებების არაფინანსური აქტივების გეგმა - 39.0 ათასი ლარით; ხოლო (02 02 01 კოდი) ბინათმშენებლობის სხვა ხარჯების გეგმა - 6.0 ათასი ლარით
- (02 01 კოდი) გზების, ხიდების, ბოგირების და ინფრასტრუქტურის სხვა ღონისძიებების დაფინანსების არაფინანსური გეგმა შემცირდეს - 20.0 ათასი ლარით; (05 07 კოდი) კულტურის დაწესებულებათა მშენებლობა-რეაბილიტაციის არაფინანსური გეგმა - 49.0 ათასი ლარით; სულ - 69.0 ათასი ლარით და შესაბამისად გაიზარდოს(01 01 02 სამტრედიის მუნიციპალიტეტის მერის არაფინანსური გეგმა - 69.0 ათასი ლარით;

მუხლობრივი ცვლილებები:

- (02 05 კოდი) სოფლის მეურნეობის განვითარების არაფინანსური აქტივების გეგმა შემცირდეს 108.1 ათასი ლარით და შესაბამისად გაიზარდოს ამავე კოდის საქონელი და მომსახურების გეგმა.
- (04 01 კოდი) ააიპ სამტრედიის მუნიციპალიტეტის სკოლამდელი აღზრდის დაწესებულებათა (ბაღები და ბაგა-ბაღები) გაერთიანების სუბსიდიის გეგმა შემცირდეს 60.0 ათასი ლარით და შესაბამისად გაიზარდოს ამავე კოდის არაფინანსური აქტივების ზრდის გეგმა - 60.0 ათასი ლარით.
- (06 02 04 კოდი) სოციალურად დაუცველი მოსახლეობისათვის ერთჯერადი ფინანსური დახმარებების საქონელი და მომსახურების გეგმა შემცირდეს - 0.5 ათასი ლარით და შესაბამისად გაიზარდოს ამავე კოდის სოციალური უზრუნველყოფის გეგმა - 0.5 ათასი ლარით.
- (06 02 04 კოდი) სოციალურად დაუცველი მოსახლეობისათვის ერთჯერადი ფინანსური დახმარებების სოციალური უზრუნველყოფის გეგმა შემცირდეს 30.0 ათასი ლარით და შესაბამისად გაიზარდოს 06 02 03 კოდი დედათა და ბავშვთა დახმარების სოციალური უზრუნველყოფის გეგმა 30.0 ათასი ლარით.
- (05 01 01 კოდი) სპორტული ღონისძიებების დაფინანსება და სპორტული მოედნების მშენებლობა და რეკონსტრუქციის სხვა ხარჯების გეგმა შემცირდეს 20.0 ათასი ლარით და შესაბამისად გაიზარდოს ამავე კოდის საქონელი და მომსახურების გეგმა - 18.6 ათასი ლარით, ხოლო

სუბსიდიის გეგმა - 1.4 ათასი ლარით.

სტრუქტურული ცვლილებები:

- (06 02 04 კოდი) სოციალურად დაუცველი მოსახლეობისათვის ერთჯერადი ფინანსური დახმარებები ჩამოყალიბდეს შემდეგი რედაქციით: სამედიცინო და სხვა სოციალური საჭიროებების დახმარების ღონისძიებები.

დაადგინეს: კენჭისყრის შედეგად საფინანსო-საბიუჯეტო საკითხთა კომისიის წევრთა (10) ხმით მიიღეს გადაწყვეტილება, საკითხი შევიდეს ბიუროს დღის წესრიგში განსახილველად.

ამით დღის წესრიგით გათვალისწინებული საკითხები ამოწურულია.

სხდომის მდივანი: / ლია ყურულაშვილი/

მერაბ უღრელიძე

სამტრედიის მუნიციპალიტეტის საკრებულო-საკრებულოს საფინანსო-საბიუჯეტო საკითხთა კომისია-საკრებულოს საფინანსო-საბიუჯეტო საკითხთა კომისიის თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი

